



## Universitätsbibliothek Paderborn

**Iacobi Llobetii Leodiensis E Societate Iesv. Specvlvm  
Ecclesiasticorvm, Ac Religiosorvm.**

**Llobet de Lanthin, Jacques**

**Leodii, 1640**

§. 4. De sacris illis vocibus: Kyrie eleison, Christe eleison.

[urn:nbn:de:hbz:466:1-47105](#)

AC RELIGIOSORVM.

gionis nostræ, enascerentur variæ hæreses, quasi totidem Hydræ, & immania monstra, quæ ut præscinderent, extulerunt augustum illud diuinæ Triadi epinicum. *Gloria Patri, & Filio, & Spiritui Sancto.*

§. 4.

*Desacris illis vocibus Kyrie eleison,  
Christe eleison.*

**A**B introitu Missæ, & cornu Epistolæ deflectit Sacerdos ad medium altaris, ibique stans & in cœlum erectus emittit illas supplicis animi voices, *Kyrie eleison*, quas enim potius? pro se, pro populo orator ascendit, vt redeat exorator, à diuina misericordia initium ducit: ab illa quippe omnis boni principium.

De hac oratione suboritur primum questio, quis illius author? tum cur Græca lingua? cur eo numero? tum denique quæ illius vis, vt benigna in nos, & prona sit superum, Deique inclinatio?

Durandus censet solempnes illas voces *Kyrie eleison* inuentas esse, & Missæ insertas à D. Gregorio: ex vero tamen nec eas inuenit, nec instituit: sed cum lapsu temporis, ac pietatis in dissuetudinem abiissent, pro cura Pastorali reuocauit, & forte ut nouies diceretur pro sua pietate decreuit.

Sotus existimat eam supplicationem à S. Siluestro à Græcis sumptam, & ad Latinos translatam.

L. 4. sec.

d. 13. q. 2.

ar. 4.

Verius

Verius alij, eas voces iam inde ab Apostolis usurpari solitas, vt videre est in liturgijs Diuorum Iacobij, & Marci; ex quibus intelliges morem illum, modumque supplicandi, fuisse perantiquum.

Sed cur inquies Græca voce? cur non potius Latina, vt alijs Missæ orationibus consonarent?

Ep. 178.

D. Augustinus Græcas voces ideo retentas ait, vt qua Latinos, qua Græcos vnum esse Dei populum fateremur, vt vnius fidei, vti & vocis debere esse communionem. Habet nimirum illud Christiana humilitas, & linguas, & animos uno caritatis vinculo necdit, ac maritat. Ita cum terra esset innoxia, erat ( vt Scripturæ verbis vtar) *labij vnius*; ad eam ætatem te reuocat pia Mater Ecclesia, amatque vt fideles sui idem & sentiant, & loquantur.

L. 6. c.  
vlt.

Isidorus id factum ait amore venerandæ antiquitatis, quæ prium eas voces usurpauit, & quarum retinentes posteri esse debuerunt.

Can. Ia.  
cob. de  
consec. d.  
3.

Turrecremata, quod inter Gentiles, Græci omnium primi fidem admiserint, imò è Græcia Ecclesiæ principes Petrus, ac Paulus Romam aduenerint, vt ad Latinos quoque eadem religio transferretur; vt iret in posteros omnes, à Græcis ad Latinos transisse fidei lucem, solemnem illam orationem in acceptæ religionis tesseram, in monumentum, æternamque beneficij memoriam retineri placuit.

Visum alijs datum illud sapientiæ, quæ tum temporis

temporis apud Græcos florebat quam maximè; erat enim ea precatio testis & index altioris sapientiæ, quæ diuinæ miserationi se, suaque submittit. Et hæc pro Græco idiomate; quæ subiungam pro numero militant.

Iteratur nouies ea oratio, tum *Kyrie eleison* tum *Christe eleison*, quæ causa? Dixit olim ex antiquis nonnemo Deum opt. max. calculorum numeris delectari, alius: numero Deus impare gaudet, sed cur nouenario?

Pusillus homo, terræ puluis, & fugacis æui ludus in æternitate ascribi rogat, & associari nouem ordinibus Angelorum, opus illud nec indulgentis naturæ esse potest, nec vindicis iustitiæ, ideoque misericordiam appellat; nouiesque geminat easdem ferè voces, ut à nouem beatarum mentium ordinibus ad ipsius supremi Numinis aures appelleat ea supplex oratio: Domine miserere, Christe miserere.

Obnoxius est homo (quæ immanis eius est miseria) obnoxius, inquam, ignorantia, culpæ & pœnae, ut ea à suo capite, à suis ceruicibus amoueat, cœlum suspicit, misericordiam in clamat, & ter singulas personas Sanctissimæ Trinitatis appellat. Nemirum quisquis vel vni peccato mortali sese inclinat, in Deum erigit, Patrem petit, Filio insultat, Spiritui Sancto illudit; eoque dignus est qui ingenti supplicij mole obruatur, penitusque perdatur.

Zz

Ne

362 SPECVLVM ECCLESIASTICORVM,  
Ne porrò ita malè pereat, quamdiu breues huius  
mortalis vitæ conceduntur induciæ, ter Patrem, ter  
Filiū, ter Spiritum Sanctum compellent, & inge-  
minet augustum *Kyrie Domine*, & hoc amabile  
*Christe*, ut à Domino seruus, à Christo Christianus  
audiatur, & misericordiam cœlo propitio conse-  
quatur.

Ab illa etiam liber esse volet à nouem peccato-  
rum generibus, ceut totidem naturæ, Stygiisque mon-  
stris, quibus impetratur. Est enim peccatum origi-  
nale, veniale, mortale, est peccatum cogitationis,  
locutionis, operis; est scelus in quod humana fra-  
gilitas inclinat, est aliud, in quod cæca deuoluitur  
simplicitas; est denique & aliud, in quod sua spon-  
te ruit malitia: ab his, & ab illis omnibus liberari  
cupit Sacerdos, ideoque nouies repetit easdem vo-  
ces *Kyrie eleison*, & velut nouem tela in hostem  
intorquet.

Ne mirere quod appellem tela, ut enim in his  
militare i'obur, ita & in illis vis elucet Christiana.  
Demus eiusce rei argumentum ex historijs, vete-  
rumque monumentis petitum: maior fides est re-  
bus, quam verbis.

Si Rabbinis credimus, vbi Salomon absoluit au-  
gustum illam templi molem stata die, cum ingenti  
populi concursu, procerumque corona, ad eam læ-  
tus, alacerque perrexit; verum inexpectato prodigo  
territus,

territus, & subsistere coactus ; derepentè enim templi valuæ, quæ prius explicatæ erant, & patentes, ita penitus occlusæ, & ex oculis propè subductæ, ut nemo vnuis omnium videre posset, qua in sacram ædem daretur aditus. Id prodigium primò attonitos habuit, deinde ad preces exciuit pro placando Numine si forte subiratum foret. Preces porrò fuere per nomen Dauid ; *memento*, inquiebat Salomon, *Domine Dauid*. Ad eas voces subito apertæ valuæ, obuiusque apparuit aditus : crederes Dauidis nomen Salomoni, populoque pro clauifuisse, & vere, re etiam ipsa fuit.

Quod Salomoni Dauidis nomen, hoc magno Basilio fuere duæ voculæ, *Kyrie eleison*, quas cum expressisset pius Præsul, portæ Ticinæ Ecclesiæ, quæ prius arctè clausæ, nemine manum admouente apertæ sunt. Et hinc in toga, & pace ab illis vocibus Dur. I. 4.  
præsidium. Vis in sago, & Martio puluere illud tibi C. 12.  
dabit S. Geminianus sua ipse experientia, bonoque edoctus.

Mutinæ Ciuitati imminebat Attila, vulgo *Dei flagellum*, ingens erat exercitus, immanes copiæ, barbarus furor, cui impar vis omnis videbatur. Vbi humana desunt, ad diuina confugere virtus docet, & certè configit. S. Præsul pro suo grege pie sollicitus: clataque mente protulit supplices illas voces *Kyrie eleison*. Et ecce mirum dictu, visuque omnes

364 SPECVLVM ECCLESIASTICORVM,  
illæ copiæ , quæ iam ciuium ceruicibus incumbe-  
re, quæ mœnibus insidere videbantur, in fugam  
actæ sunt: dices aduerso hoste premi , à tergo vr-  
geri, & immensa telorum nube peti, atque opprimi.  
Nimirum pro hoste , pro telo fuere duæ vocalæ  
*Kyrie eleison*, quæ omnes barbarorum conatus irri-  
tos fecere , omnem impetum fregere.

Theo-  
phil.l.16.

Nec adeo mirum, cum & ipsa elementa domet  
eadem vis orationis. Iustiniani tempore repentina  
terræ motu euersa fuit Antiochia , qui à ruinis reli-  
qui fuere ciues, nudis pedibus precabundi processer-  
e, acclamantes illud in miserijs vulgatum , ac so-  
lemne, *Kyrie eleison*. Vix ea vox in cœlos euaserat,  
cum diuino oraculo moniti sunt , vt domorum re-  
lictarum superliminaribus inscriberent *Christus no-  
biscum, state*. Legerunt superi vindices has miseri-  
cordiæ notas, hos amoris typos, hanc tesseram paca-  
ti Numinis, & in miseros mortales sœuire desierunt.

§. 5.

*De hymno: gloria in altissimis Deo, et in terra  
pax hominibus. Luc. 2.*

**S**Acer ille Ecclesiæ hymnus in duas omnino  
partes abijt. Vna è cœlo petita authores habuit  
Angelos, cœlestes illas intelligentias, beatos spiri-  
tus , qui nascenti Christo augustum illud accinuc-  
runt acroama. *Gloria in altissimis Deo, et in terra  
pax hominibus.*